



Inatsisartunut Ilaasortaq  
Vivian Motzfeldt  
Siumut

## GUX-imi ilinnusiat pillugit § 37 naapertorlugu apeqqutinut akissut

Asasara Vivian Motzfeldt

Ilinniarnertuunngorniarfimmil ilinnusiat pillugit apeqqutinnut qjanaq. Ingerlaqqilluni ilinniarnertut ilinnusiat § 37 naapertorlugu apeqqutinni apeqqutigaatit, apeqqutinulli taakkununga tunngavilersuummi inuusuttut ilinniartit GUX innersuussutigineqarpoq. Taamaammatt ingerlaqqilluni ilinniarnertit pinnagit ilinniarnertuunngorniarfilli pillugu tunngavilersuutitit tunngavigalugit apeqqutitit akineqassapput. Apeqqutitit ataani akineqarput:

1. *Naalakkersuisut ilinniartinnut ingerlariaqqiffiusunut atuartitsinermi ilinnusianik kalaallisoortunik, imaluunniit kalaallit nunaannut inooriaatsimullu naleqqussakkanik sanaartornissamut aningaasaliissuteqarniarpat?*

**Akissut:** Ilinniarnertuunngorniarfimmik aqqissuusseqqinnerup 2012-imi atuutilersinneqarneranut atatillugu Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmil (IKIIN) konto pingaarneq 40.01.08 Ilinniartitaanermut pilersaarutit kiisalu ilinniartitaanerup immikkut ittumik suliniuteqarfigineqarnera, aqqutigalugu ilinniarnertuunngorniarfimmil (GUX) ilinnusiat nutaat ineriartortinneqarnerannut, tassunga ilanngullugit ilinnusianut ilinniartitsinermullu, ukiumut 600.000 kr.-it aningaasaliissutigineqartarput.

Atortut tamarmik Kalaallit Nunaanni pissutsit tunngavigalugit ineriartortinneqarput, taamaalilluni ilinniartut tunuliaqutaat paasinnittarnerallu aallaavigalugit atortoqarnissaa qulakkeerniarneqarluni. Ilinniartitsissutini assigiinngitsuni ilinnusiat sumiiffimmil nunarsuarmiluni tamarmi pissutsinut annertunerusumik atassuteqarnissaat aamma siunertaasinnaavoq, taamaalillunilu ilinniartut pissutsit ilisimasaat aallaavigalugit nunanut tamanut isiginnissinnaalersinneqassallutik.

Oqaatsit eqqarsaatigalugit ilinniarnissamut piareersarnermi ilinniartitsissutini anguniakkanut aammalu atuakkiortunut aamma/imaluunniit nutserisunut pissarsiarineqarsinnaasunut tunngatillugu ilinnusiat saqqummersinneqartut atuakkiortut, ilinniartitsissutinut siunnersortit ilinniartitsissutinilu ilinniartitsisut suliamut attuumassuteqartut suleqatigalugit suliamik ingerlatsinermi ingerlaavartumik nalilersorneqartarput. Nalilersuineq taanna ilaatigut kalaallisut siunissami ilinnusiarneqarnissamik kinguneqassaaq.

2. *Aningaasaliissuteqartoqassappat, aningaasaliissutit qanoq annertutigissappat, qanorlu agguataarneqassappat? Aningaasaliisoqarsimangippat, immikkut allatut ilinnusiat tunngaatigut pilersaaruteqartoqarpa?*

05-03-2015  
Sags nr. 2015-110676  
Dok. nr. 1886411

Postboks 1029  
3900 Nuuk  
Tlf: +299 34 50 00  
Fax +299 32 20 73  
Email: iiknn@nanoq.gl  
www.nanoq.gl

**Akissut:** Aningaasaliissutigineqartut, tak. apeqqummut 1-imut akissut, atortunut saqqummersinneqartunut aalajangersimasunut atorneqarnissaat aallaaviusumik aalajangerneqarnikuunngilaq, kisiannili ilinniartitsissutini pisariaqartitanik tulleriinnilersuinermit kiisalu ilinniartitsisut pisariaqartitat pillugit ilassutigisaannut tunngatillugu ilaatigut ilinniartitsissutitut siunnersortit innersuussutaat malillugit aaqquissuunneqartarlutik. Aammattaaq atuakkiortussanik nutserisunillu piffissaqartunik piomassuseqartunillu kiisalu atortut suliarineqarnissaanni naleqqutumik ilisimasaqartunik nassaarniarnermi atortunik ineriartortitsinermi unammilligassat killiliutillu aallaavigalugit tulleriinnilersuisoqartarpoq. Atuakkiortuusinnaasut tassaagajuttarput ilinniarnertuunngorniarfimmi ilinniartitsisut akuttunngitsumik piffissami tamakkiisumi ilinniartitsinermik suliaqartartut. Ajornartorsiut tamanna iliuuseqarfiginarlugu ilinniusianik ineriartortitsinissamut piffissamit ukiumut atugassaannit inniminniinissaannik IKLIN ilinniarnertuunngorniarfinnut isumaqatigiissusiornikuuvoq, taamaalillutik piffissap ilaani nalinginnaasumit sivikinnerusumik ilinniartitsisassallutik. Kisiannili siusinnerusukkut ilinniartitsisusimasut inuillu isumalluutit suliamut attuumassuteqartut akornanni atuakkiortussanik aamma nassaassaqarpoq.

Inussiarnersumik inuulluaqqusillunga



Nivi Olsen